

تاریخ ہجری ۱۳۳۲

نومبر ۱۴

تاریخ غریبی ۱۳۲۹

خبر الکلام

صاحب امتیاز و مدیر مسؤول
حسین شعی

۲۳ ربیع الاول

سر محرری :
احمد شیرانی

۶ شباط

ماقل و دل

[پنجشنبہ کونلری]

قل الحیر والافاسکت

[نشر اولنور]

اهل اسلام تك بر جسم كيدر . بر مسلمانك
 كيسه سنه كيرن بر پاره بابانه كيتش صايله من .
 اوپارده دن ديكر بر اسلامك استفاده ايتمي ممكندر .
 اما بر يونانليك . بر اجنيك حوزه تصرفنه كيرن
 بر پاره دن بر مسلمانان فائده دكل زهر قاتل واردر .
 و قتيله يونانليره ، بلغارلره ، صربلره آليش
 وريشده كورجه سنه قازانديرديغمز مواد نقديه
 سكره دن مواد ناريميه منقلب اولارق اسلاملك
 عليه دنوندي بوني چوق آجي تجربلر ايله
 اكلا دق اكلاميان قالدی ايسه :

واهب الادراك مزداد ايلسون اذعانى

دير كچرز .

اسلامه ينه اسلام مرحمت ايدر . بشقه سى
 ايتز . اسلامه اسلامدن بشقه سندن فائده يوقدر
 بوني بويله بيله رك اهل اسلام تجارت و زراعت
 و صناعت عالنده يكديكيرينه صيم صيق صارمليدر .
 تعاون و تناصر خصوصنده صوك درجه تعصب
 و غيرت كوستر مليدر ،

ايسته افراد ملت ، جبل متين اقتصاديانه بودرجه
 صميميته ، متانتله ، استقامتله ، امنيتله صاريلرسه
 پرپارچه يوزى كولر ، زنكيك اولور . ملت ديمك
 حكومت ديمك اولديني جهنتله ، حكومت اسلاميه ده
 بو حالدن مستفيد اولارق حقوق اسلامى دهازياده
 متانتله استقلال ايله حمايه و مدافعه ايلر .

بز علميه صنفه يعنى اصحاب علمائه كلانجه
 ملت اسلاميه نك رهبرى و مرييسى صاييلان
 بزلر آرق او جبهلر يميزى ، شالوارلر يميزى
 و سائرلر يميزى يونانلى دوستلر يميزه يعنى مواد
 انفلاقيه مستحضرلرينه بيچد يروب ديكير مكدن ،
 آنلره آووج طولوسى بازدر و برمكدن صيقلمالى
 و فراغت ايتلى ز البسه مزي اسلام اصنافه
 پايدير مق درجه سنده اولسون بر حسن فداكارى
 كوسترلى ز اما برپارچه بيچمسز ، قبا اولاجقمش

اولسون . بوقدر لقي بر فداكاراغه بيله تحمل
 ايدمه چك اولان بر آدمك بو ملتك مرشدى
 و مرييسى بولمغه حقي يوقدر آه پاره نك زرده دن
 كلديكنى ، زرده كه كينديكنى حس و فرق ايدمه چك
 درجه ده علم و محاكمه دن عارى و محروم اولاده
 مالك اولان مادر وطن نه سوزشلى ناله لر
 قوپارمقده در فقط آنى ايشيده چك قولاق ،
 اكلايه جق قلب زرده !

فاتح درسه املر دن

حافظ حسين

اسلام - عزم

اسلام باشلى باشنه بر جهان كالاندر ، بر عزم
 دنيا سيدر . نهوت ! اسلام عزمى سوه ، عزمى
 حايه ايدر . چونكه كالانك عزم ايله وجوده
 كله بيله چكنه قائل ، قاندر .

اسلام : عزم ايله بالمله ايلكلره ، بوكسكلكلره
 اولان غيرتى ، سعي مراد ايدر . من غير سعى
 وجوده كله چك شئي اوعداده صوقاز . عزمه
 وريدكى قيمت و لياقتي ده آكا اسير كر ، همده
 چوق اسير كر ، مقصد او شيك وجود بولمسيله
 برابر عزمك انسانلر ، هله اسلاملر يئنده موقعنى
 تعيين ، بلكه تعزير ايتمكدن . منكراته ، مكروهاته
 اولان (عزم) شرع على عئذنده هر درلودر دن
 محرومدر . عزم ، شدت و سرعت ايله علاقهدار
 بيلنمليدر . فعال بر قوت دائما عزم شديد دن
 طوغار . ثبات متيندن انفلاق ايلر . عزم ايله
 باشلايان بر استعداد ايدرله قدر پايدار ، نفى ،
 خيى ، هر شيئي پايدارد .

مسلمانلر هر شيدن اول فكر عزمه ، عزمه
 محتاجدر . منكر انك غيرتيه حوزجان ايدرجه .

ای عمامه :

ای عمامه ! آیت اسلام ایدک
ای صاریق ! سن رایت اسلام ایدک
کیرلی ، صولونون بر کفنسک ، بر کفن
تار ، بودک حزمه انوار ایکن
خاورک باشلردی ، بر خورشید ایدک
سن ضیای عالم توحید ایدک
صاجدیفک انوار جزم و حزم ایدی
مکنت ، جسارت ، عزم ایدی .
قدرت عصمت دین سنکله ایلردی غرور ،
باسبانک دینه ورمشدک حضور
شمدی نولدکمی نه اولدک ؟ بر عریو
خانه دین متقدر غول و دیو
کیرلی الله ، سعی ، جاهل نچهل
عصمت دینی دمام نچهل
ای صاریق ! الله ایچین آرتق اوپان
غیرت ایت قالدق ، قوش ، پیش آرتق صیوان
دالمه بشیوزده بیک سنه ماضیلره
بیک نظیر ایستر بوکون قاضیلره
بلنکه قاضی ، فیخر رازی آرز کایر
سیل دنیا دایما دورماز کایر .
« اتم بلای دکل یغمور کی »
« خیری اولرده می آخردمی ؟ »
ایشته برسوزکیم بوکون دستورددر .
اتصال ایتش بزه برنورددر .
نوره ، سعی سوق ایدر وجدانلری
تقویت ایلر ضعیف ایمانلری
دورمه آرتق ای عمامه ! دایما
دورمه سی آیت یاورک عون خدا .
بایزد درسعاملرندن :

شرف الدین

سنه صارملق ، آریایر سه فبای حیانه آلتش
اوله جفتی دوشونه رک اوشینه صارملق اسلامار
ایچون بروجوب اجتماعی تشکیل ، قواعد حیاتیه
اجتماعیه بونی قطعياً امر ایدر . مسکینلر ،
چالشمیانلر نولکه محکومدر . مبارزه حیاندکیم
غالب کلیر سه حق اونکدر . دنیا ، چالشقی ،
مداوله عرض دنیا سیدر . شودستوری قر آغز
شو آیتله تأکید ایدیور .

(انسان ثمرات سعینی البته کوره جکدر)

خزان مدخره فطرت چالشقانلره هروقت
ایچون آچیکدر .

اسلامار ایچور وسندده مدلول سعی یا کلش
آکلاپانلر چوقدر . سعی قطعياً بر توقف ، بر
مهل ویرلاملی آکا بیقماز بر کوکل ایله دایما
قوت ، کشایش ویرلیدر . خزان سعادت
ماورای عزمده در حتی حیات حقیقه یینه بوعلی
خصالتله الله ایدیلور . مستعار حیاتلرکه : توفی
یشایشلرک مولداتیدر . بوکونکی حوادث
کونا کونی پرمده حیاتک اوکنه دوکدی . او
حادثاتکه اعصارک سینه مظالمندسته لر جه بسلندی .
صانکه اهلی ، وارثی بز ایشز ! کنیردی !
اوکومزه دوکدی . بزه والهانه بوکی مولودانه
باقه قالدق ، شاشبردق ! اعصار بزه دیوردیکه :
« ایشته بنم سزه کنیره جکم البته بردفینه ،
بر ثروت دکلدی . سز قابلیتکیزی عزمه بدل
غرام وهوا ایله سوسلدیکیز . احوالده توارث
ایده جککزرده بونلرک مقتضیاتیدر » .

ذاتاً حَقّ تجلیاتی ده عزم واستعداده دکلکی ؟
عزمی قوت ایله تزیین ایدر . وهنی زوال ایله
تصادم ایتدیرر .

ابن الرحی